

樹

藝

篇

蔬部第四

韭

勃

葱

蒜

蒿

胡荽

# 韭

種韭廣志曰白弱韭長一尺出蜀漢王彪之關中賦曰蒲  
韭冬藏也收韭子如葱子法若市上買韭子宜試之以銅  
鑪盛水于火上微煮韭子須臾芽生者好芽不生者是衰  
爵矣治畦下水糞覆悉與葵同然畦欲極深韭一剪一加  
糞又性根上跬故須深也二月七月種一法以升蓋合地  
為處布子于園內韭惟内生不向外畏圍種令科成藉令  
常淨韭性多穢數拔為良高數寸剪之初種歲止一剪至  
正月掃去畦中陳葉東解以鐵杷耨起下水加熟糞韭高  
二三寸便剪之剪如葱法一歲之中不過五剪每剪杷耨

下水加糞悉如初收之者一剪則留之則早種者但無畦  
與水耳把糞悉同一種永生諺曰韭者懶以采以其不須  
歲種也聲類曰韭者久長也一種永生崔寔曰正月上辛  
日除掃韭畦中枯葉七月歲韭青、韭出杞齊民要術  
韭祀祭宗庙韭曰豐本其美在黃惡末盛秋晚分栽至春  
摘以為薦新鄉俗未丁祭不敢賣顧清松江府志

韭冬末春初細縷寸許郡城貴之市為薦新姑蘇志

韭二月下旬撒子九月分栽十月將搗草灰蓋三寸許又  
以薄土蓋之則灰不被風吹立春後芽生灰內可取食天  
若晴暖二月中芽長成菜以次割取旧根常番分栽更不

須撒子矣便民

種韭、畦欲深下水和糞初歲惟一剪每剪則加糞惟須深其畦為可容糞瓊碎錄

八月分韭菜韭菜根多年交結則不茂別作畦分栽摘去老根惟留嫩根栽之用鷄糞壅或乾猪糞亦可農桑撮要

韭叢生豐葉本青細而長近根處白韭久也圖經云一種而久故謂之韭圃人種時一歲而三四割之其根不傷至

冬培壅之先春而復生信乎一種而久者也諺云韭者憐人菜以其不

須歲種也詩七月獻羔祭韭周禮醢人其宰韭俎記王制

庶人春薦韭以卯廩卽一食二十七種杜詩夜雨剪春韭

樂天詩秋韭花初白皆是物也

收齊民要術云教人收韭子如葱子法

若市上買韭子宜試之以銅鑊盛水

于火上微煮韭子須臾芽生者好芽不生者是衰舊矣

治畦下水糞覆悉與葵同

然畦欲極深

以韭根生上跳故爾深也

二月七月種之法如升蓋合地

為處布子于園內

以韭性內生不外向長園種令科成也

籥令常淨至正月

上辛日掃去畦中陳葉以鐵把耨起下水加熱糞韭高三

寸便剪之一歲之中不過五剪

每一剪收子者一剪則番加一糞

之若早種者但無畦与水耳耙糞則同四時類要云九月

收韭子種韭第一糞割弃之主人勿食事類書云韭畦用

鷄糞尤佳故本章以韭為菜鍾乳凡近城園圃之家可種

三十餘畦一月可割兩次所易之物足供家費積而計之  
一歲可割十次秋後又可採韭花以供蔬饌之用謂之長  
生韭至冬移根藏于地屋蔭中培以馬糞煖而即長高可  
尺許不見風日其葉黃嫩謂之韭黃比常韭易利數倍比  
方甚珍之又有旧畦氣內冬月以馬糞覆之於迎陽處隨畦  
以蜀黍離障之用遮北風至春蔬其芽早出長可二三寸  
則割而易之以為嘗新韭城府士庶之家造為饌食互相  
邀請以為嘉味剪而復生久而不乏故為之長生實蔬菜  
中易而多利食而溫補貴賤之家不可闕也

王氏農書

葑園中種者是山中種者名蘆菜名草鍾乳圃人種蒔一

歲而三四割之春食則香夏食則臭多食則昏人神日用  
本草

韭說文云一種而久故謂之韭纂要云一剪一加糞一歲不  
過五剪養生訣錄云性煖號草鍾乳八閩

韭說文云一種而久者故謂之韭象形在一之上一地也  
諺云曰韭者懶人萊以其不須栽種也又利病人可久食  
大抵高三寸即剪初種之歲止一剪之一歲之中不過五  
剪矣看春色黃未出土時最美故云春初早韭冬末晚松  
韭風四之日猷羔祭韭庶人春亦以薦新詳庶人之薦夏  
及秋冬乃薦麥黍與稻而春乃薦菜茹之物又三時用魚



豚鴈為配而韭獨以卯豈春物未成可薦者少故耶而祭  
祀之牲號亦以稻曰嘉蔬韭曰豐本聯而言之豈古所重  
歟其見于調和之適則豚春用韭秋用藜蓋各有宜物久  
必安故老韭為覓然後秦姚興及後周宣帝大衆中葱皆  
化為韭說者以為戰伐之祥易稽覽圖云政道得則物陰  
變為陽鄭康成註云黃葱變  
為韭是也韭多補洩子甚溫俗間呼草鍾乳真誥云務光  
出不雅翼也服韭以入清冷之淵也五色線集

說文曰一種而久者故謂之韭象形在一之上地也論  
衡曰地性生草山性生木故地種葵韭山種棗栗名曰美  
園茂林也韭者久也一種永生礼祭宗廟韭本具其本豐

則未殺瘦矣蓋齏之美在白韭之本在黃皆惡其未之盛也齊民要術曰韭高三寸便剪其以此乎又曰剪如葱法一歲之中不過五剪凡剪不用日中故諺曰觸露不摘葵日中不剪韭也

韭性內生根喜上跳故種与葵同法而畦欲極深詩曰猷烹祭韭開冰春祭也故猷烹祭韭礼曰春竹烹豚又曰春薦韭是也內則曰膾春用葱秋用芥豚春用韭秋用蓼葱与芥陰物也韭與蓼陽物也韭與蓼陽物也傳曰政道得則陰物變為陽物鄭玄云若葱為韭是也

埤雅

### 種韭法

若欲收穫五月內就不可割八月開花結子擇種佳者藏之來年二月下于肥地下時作圓穴將韭子勻布不宜重疊下畢以灰厚蓋出後去草時用糞澆至八月分種至來年八月方可割之割後仍澆每年正月須加乾河泥寸許則韭肥大不然雖頻澆無益也

圓明村人說

韭味辛微酸溫無毒歸心安五藏除胃中熱利病人可久食子主夢泄精溺白根主養髮陶隱居云韭子入棘刺諸凡主漏精用根入生髮膏用桑以煮鯨魚鯨斷辛下痢多驗但此柔味辛臭雖煮食之便出猶奇薰灼不知葱薤熟即無氣最是養性所忌也今按陳藏器本草云韭溫中下

氣補虛調和藏腑令人能食益陽止洩白膿腹冷痛病瘵  
食之葉及根生搗絞汁服解藥毒療狂狗咬人欲發者亦  
殺蛇虺惡虫毒取根搗和醬汁灌馬鼻中願入搗根汁多  
服主胃痺骨痛不可觸者俗云韭葉是草種乳言其宜人  
信然也臣禹錫等謹按爾雅云藿山韭釋曰說文云菜名  
一種而久者故謂之韭山中生者名藿韓詩云六月食藿  
及奧是也

圖經曰韭舊不看所出州土今處一有之謹按許慎說文  
解字云菜名一種而久者故謂之韭故圃人種蒔一歲而  
三四割之其根不傷至冬墜培之先春而復信乎一種而

久者也在柔種此物最溫而益人宜常食之易稽覽圖云  
政道得則陰物變為陽鄭康成註云若蔥變為韭是也然  
則蔥冷而韭溫可驗矣又有一種山韭形性亦相類但根  
白葉如灯心苗爾雅所謂藿羊六切山韭韓詩云六月食  
藿及奧皆謂此也山中往往有之而人多不識耳

衍義曰韭春食則香夏食則昏神子止精滑甚良未出糞  
土為韭黃最不益人食之即滯氣蓋噎噎鬱未子氣故如  
是也孔子曰不時不食正為此輩花食之動風

韭柔味辛微酸溫無毒歸心安五藏六腑除腦中熱下氣  
令人能食利病人可少食又云益陽止洩尿血暖腰膝除

胸腹冷痛痿痺春食香夏食臭冬食動宿飲五月食昏人  
乏力不可合牛肉食酒後忌食丹溪云韭汁冷飲下膈中  
痢瘀血甚驗以其屬金而有水與土其性急又能充肝氣  
多食則昏神其子治虛勞損腎妄洩良又未出土者為韭  
黃食之即滯氣最不宜又花食之動風根治諸癰大抵葱  
韭皆常食但蔥冷而韭溫于人有益食物本草

韭園中種者夏山中生者名薺葉名草鍾乳圃人種詩一  
歲而三四割之春食則香夏食則臭多食則昏人神味辛  
溫同牛肉食令人生塊病及染瘟黃不可同蜜食主歸心  
安五臟除胃中熱補虛益腸下氣則病人可久食熱病後

十日不可食葱韭即發困子主夢泄精虛勞腎損尿白沙  
二兩為末食前酒調下日用本草

隣人馮湘生兒數月偶遺金網巾圈于案上兒誤吞之哀  
泣不已湘求救于醫、造出湘伺于門坐立不定或詢其  
子何疾驚惶如事湘以前事告或教以急買韭數莖熟而  
不斷与蚕豆同咽之不過二次其圈從大便出矣此法方  
書所不載故表之劉說北壕紀言

韭本草云一歲三四割而根不傷今莆人種韭用磚砌為  
丘段取鷄糞及窰灰培壅其根而水常灌之雖一月一割  
次茂盛如初本草註謂葱韭皆當食但葱冷而韭溫于人

有益又有山韭與家韭形雖相類但根白葉如灯心甬山  
中人醃以為菹亦可食吳化府志

韭之性溫故謂之草鍾乳易稽覽圖云政道得則陰物安  
為陽鄭玄注若蔥安為韭是也可知蔥冷而韭溫然葷菜  
非養性所宜多食食之昏神草木畧

爾雅云藿山韭藿山蔥勤山薺蒿山蒜注曰今山中多有  
此菜如人家所種者薺蔥細莖大葉疏曰此亦四種菜生  
山中与人家所種者異名也

爾雅疏曰韭說文云菜名一種而女者故謂之韭象形在  
一之上一地也生山中者名藿韓詩云六月食藿及藿



也士洵按今幽風藿作萁容考

藿者山韭形性與韭相類但根白葉如灯心苗其音羊六切韓詩十月食藿及藿謂此物也毛詩藿作萁以藿為隸屬萁萁萁鄭氏云食藿萁之葵菽麥皆以取男功蓋藿實大如李正赤食之甜五月時熟萁萁之是藿類而小別即萁李是也王務農所植皆百穀百蔬有益于民者然七月所述不及一二若果蔬之屬惟瓜足以去時暑寒足以救歲乏故重而記之藿萁等果不登于選不用于摯正爾食之何補飢渴似兒戲爾不若藿菜及藿之可以食賤充也然齊韓毛鄭其詩異說故並存著之說文又曰藿山韭也

息廡切爾雅翼

水韭生于池塘中葉似韭得非龍瓜薤乎字林云蒼音水

中野韭也又吟

音吟見字林似蒜生水中

北戶錄

杜子美有除菴

音菴

草一篇蜀中謂之毛芒可畏

之如蜂

蠱沿風疹以此草點之一身失去葉背紫者入藥杜詩註

云菴音潛山韭也

仇池筆記

蘘即薤

種蘘爾雅曰蘘鴻蒼註曰蘘菜也蘘宜白軟良地三轉乃  
佳二月三月種八月九月種六得秋種者春末生率七八  
支為一本諺曰葱三蘘四移葱者三支為一本種蘘者四  
支為一科然支多者科圓大故以七八為率蘘子三月菜  
青便出之未青而出者肉未滿令蘘瘦燥曝按去茅以餘  
切却薑根留薑根而濕者即瘦細不得肥也先重耬耩地  
壟燥培而種之壟燥則蘘肥耬重則白長率一尺一本菜  
生即鋤、不厭數蘘性多穢荒則羸惡五月鋒八月初耩  
不耩則白短菜不用剪、則損白供常食者別種九月十

月出賣經久不任也擬種子至春地釋出即曝之崔寔曰

正月可種藺韭齊民要術七月別種藺矣

藺與韭同類雖辛而不葷五藏所以學道之人服之有赤

白二種白者補而美赤者主金瘡不結子一名鴻薈爾雅

曰藺鴻薈草木畧

薺爾雅曰鴻薈本出魯山平澤今處之有之葉似韭而潤

本豐而白深本草云雖辛不葷五藏孝道人長弭之以其

能溫中通神安魂魄續助力耳故杜甫詩曰東北青薺色

圓齊王勣頭衰年閑謁吟味煖併無憂或取其白茅酒尤

佳樂天詩曰酥煖薺白酒又內則曰切葱薺實諸醢以柔

之碎錄云豚脂用葱膏用薤然則酒也醢也膏也無施不

可種法与韭同二三月種凡三四支一本或也七八支諺

云葱三薤四盖支多則本茂率一尺一本葉生則鋤薤惟多歲荒即瘦瘠薤子三

月葉青便出之未青而出者凶漢渤海大守龔遂勸農家

種薤百本民獲其利至于今稱之

又一種麥原中自生者俗呼為天薤即野薤也葉比家薤

而小味益辛即爾雅所載勤山薤也可供食但不多有

耳夫薤韭屬也支本益茂而功用過之生則氣辛熟則甘

美種之不蠹食之有益故學道者之所資而老人之所宜

食也醫家因珍之以為菜不尔且手 王氏農書

薤宜白軟良地耕三轉

一作五遍

乃佳二月三月種

八九月亦得秋

種者春未生

率七八枝為一本諺云葱三薤四移葱者三枝為

一本薤四枝為一科然枝多有科圓大故以七八為率薤子三月乘青便出之未青而出者肉未滿多令薤瘦燥曝按去莖切却薑根留薑根而濕者即瘦細不得肥也先種耨耨地隴燥焙而種之壟燥則薤肥耨重則白長率一尺一本葉生即鋤不厭數薤性久多穢荒則羸惡五月鋒八月初耨不耨則白短葉不用剪則損白供常食者別種九月十月出賣經久不任也揀種子至春地釋出則即曝之居家必用

薤俗呼小蒜

鎮江府志

薤本草圖經云似薤柔潤多白無實又云凡用薤並皆去青留白蓋白冷而青熱也八閩

薤且白軟良地種法一本率七八枝諺云葱三薤四言種葱者三枝一科薤即四枝也多者科輒圓大故以七八為

率爾雅曰薤鴻薈即此是也內則曰脂用葱膏用薤

坤雅

薤似韭而無實亦不甚葷右禮者脂用葱膏用薤脂羊牛

麋鹿之屬膏犬豚之屬蓋物各有所宜今薤與牛肉同食

令人作癥瘕是也少儀曰為君子擇葱薤則絕其本末有

萎乾者也麋鹿魚為葷麋為辟野豕為軒兔為宛脾切

葱若薤實之醢以柔之言此四物其作之狀以醋与葷菜  
淹之悉皆濡熟殺肉及腥氣蓋雖葷物乃能去腥故古人  
不棄而用之今人種薤皆以大蒜置硫黃其中久則種口  
為薤有赤白二種赤者主金瘡及風若而無味白者補  
而美又雖有辛不葷五藏養生者服之可以安神養風氣  
夫物英華之美者莫如芝故蓮曰水芝芋曰土芝蜜曰衆  
口芝薤曰菜芝蓋書記務光爾剪薤以入清冷之淵今有  
薤柔家傳者以為務光所作爾雅翼

薤味辛苦溫無毒主金瘡○敗輕身不飢耐老歸于骨柔  
芝也除寒熱去水氣溫中散結利病人諸瘡中風寒水腫



以塗之生魯山平澤陶隱居之蔥薤異物而今共條本經  
既無韭以其同類故也今亦取為副品種數方家多用葱  
白及葉中涕名葱薤音暗無復用字者葱亦有寒熱白冷青  
熱傷寒湯不得令有青也能消桂為水亦化五石仙方所  
用薤又溫補仙方及服家食皆須之徧入諸膏用不可生  
嗽葷字為忌唐本注云薤乃是韭類葉不似葱今云同類  
不識所以然薤有赤白二種白者補而美赤者主金瘡及  
風苦而無味今別顯條於此也今按陳藏器本草云薤調  
中主久痢不差腸內常惡者但多煮食之赤痢取薤致黃  
栢煮服之差良禹錫等謹按蜀本圖經云形似韭而無實

山薤一名勤業相似体性不同葉皆各著春秋分時爾雅云勤山薤釋曰說文薤葉也生山中者名勁又云薤鴻薺釋曰薤一名鴻薺孟詵云薤療諸瘡中風水腫生痔熱塗上或煮之白色者最好雖有辛不葷五藏家道人常服之可通神安魂魄益氣續筋力日華子云輕身耐寒調中補不足食之能止久痢冷瀉肥健能生食引涕唾不可與牛肉同食令人作癥瘕四月不可食也

圖經云薤生魯山平澤今處有之似韭而葉濶多白無實人家種者有赤白二種赤者療瘡生飢白者冷補皆春分時之至冬而葉枯爾雅云薤与薤同鴻薺鳥外切又云

勣巨盈切山薤山薤莖葉亦与家薤相類而根長葉差大  
僅若鹿葱体性亦与家薤同然今少用薤雖辛而不葷五  
藏故道家長餌之兼補虛最宜人凡用葱薤皆去青留白  
云白冷而青熱也故斷亦下方取薤白同葉黃蘗煮服之  
害其性冷而解毒也

衍義曰薤葉如金燈葉差狹而更光故古人言薤露者以  
其光滑難竄之義千金治肺氣喘急用薤白亦取其滑泄  
也與蜜同持塗湯火傷其效甚速

薤味辛苦氣溫入手陽明經無毒主金瘡口敗輕身不飢  
耐老宜心歸骨菜芝也除寒熱去水氣溫中散結痢病人

止火痢冷洩赤白帶通神安魂魄氣益續筋骨解毒骨鯁  
食之即下有赤白二種白者補而美赤者主金瘡風若而  
無味又云白色者最好雖有辛而不葷五藏又云凡用葱  
薤皆去青留白以白冷青熱也故斷赤痢方取薤白同黃  
蘗煮服之言性冷而解毒矣又治霍亂乾嘔不息煮汁又  
治疥瘡搗汁又治犬虎咬又治產後諸痢并湯火傷但發  
熱病不宜多食又不可與牛肉同食令人作癥瘕也食物  
本章

薤白者最佳赤者次之味辛溫無毒白者最好雖有辛不  
葷五藏李道人長服之可通神安魂魄益氣續筋力合牛

肉食成癥疾主除寒熱去水氣溫中散結氣調中補不足  
止赤痢下冷瀉諸瘡中風寒水腫或卒死常居寢卧奄忽  
而絕皆是中惡取薤汁灌鼻中能甦薤白味辛苦溫無毒  
千金治肺氣喘急用薤白心取其滑泄也與蜜同搗塗湯  
火瘡其效速甚

日用本草

薤葉似韭而大其美在白爾雅曰鴻薤種法支多者科圓  
大諺曰葱三薤四言多支也

松江府志

爾雅疏曰薤說文云菜也葉似韭生山中者名薤

爾雅曰薤鴻薤即注薤菜也疏薤似韭之菜也一名鴻薤  
本草謂之菜芝是也

勑

勑與鱣畧相似而根長葉差大僅如廬葱體性亦與同蒔  
釋草云藿山韭菴山葱勑山鱣蒿山蒜皆謂生山中者別  
得藿畧勑蒿之名物類相感志乃稱列仙傳昔有人隱勑  
山服亢鱣之葉又引孫炎云帝登蒿山遭猶茅草毒得蒜  
乃噬之解毒乃收植之是則以勑蒿為兩山之名出此鱣  
蒜耳說文曰鱣菜山中者名藿爾雅翼

# 葱

種葱爾雅曰茗山葱註曰茗葱細莖大葉廣雅曰藿菁籍  
葱也其翁謂之薑廣志曰葱有各春二種有故葱木葱山  
葱晉令曰有紫葱收葱子必薄布陰乾勿令浥鬱此葱性  
熱多喜浥鬱浥鬱則不生其擬種綠豆五月掩殺之比至  
七月耕數徧一畝用子四五升良田五升薄地四升炒穀  
拌和之葱子性澁不以穀和不下均調不炒穀則草穢生  
兩耬重耩窠瓠下之以批蒲結反契蘇結反紐腰曳之七  
月納種至四月始鋤、遍乃剪、与地平高番則無葉深  
剪則傷根剪欲旦起避熱時良地三剪薄地再剪八月止

不剪則不茂剪過則根跳若八月不止則葱無袍而損白  
十二月盡掃去枯葉枯袍不去枯葉春葉則不茂二月三  
月出之良地二月出薄地三月出收子者別番之葱中亦  
種胡荽尋手供食乃至孟冬為蔬亦不妨崔寔曰三月別  
小葱六月別大葱七月可種大小葱夏葱曰小冬葱曰大  
葱民要術

葱按本草葱有四種冬葱胡葱漢葱蒼葱冬葱經冬不死  
莖葉似軟美始蒲中所謂長生葱也漢葱冬枯莖葉硬味  
薄殆蒲中所謂大麥葱也葱本白而末青白冷青熟凡發  
汗殺湯皆用白嘗讀洗冤錄凡杖瘡及刀鎗砍戳膜未斷



取葱根搗爛鍋中攤熟傳之皆愈正統末土木山走还被  
傷人口或教用葱煎湯洗之瘡不痛

吳化府志

葱薤屬葷菜也出太湖上名湖葱葉潤而鬚長

姑蘇志

葱種不拘時先去冗鬚微曬疎行密排種之宜糞培壅便  
民

八月種葱子上旬治畦用灰糞勻細撒子來年三月移栽  
農樞撮要

蒜似蒜其葉如葱而三稜

水晶葱其葉似葱而蒜二物皆不臭豫章最多且于鬆土  
之地鋤成溝以蒜水晶葱擺于內用牛馬糞糠糝拌土蓋

之上以芝麻稻又孟子上勿令生草八月種來年五七月

收水晶葱宜姜醋浸蒜宜糖醋浸可食神隱

蔥說文云葷菜也其色葱蔥淺綠也故名凡四種山蔥胡蔥

漢蔥凍蔥亦然食惟用漢蔥凍蔥耳漢蔥木蔥也漢蔥葉大而

香薄冬即葉枯且供齋食凍蔥葉細而益香又宜過冬比

漢馬勝或名大官蔥陸放爾詩毛羹借用大官蔥

凡種法收蔥子必薄布陰乾勿令泥鬱蔥中熟泥擬種之

地必須春種彙豆五月掩殺之比至七月耕數遍一畝用

子數升炒穀和種之蔥子性溫不燥則草穢而不生下西種種耕

竅翻下之以批、勢上撒下肩繫腰曳之七月納種至四

月始鋤、遍仍剪、与地平深高淺則傷根剪欲旦起避熱

時良地始剪薄地再剪八月止不剪則根蹶八月不止則

葱無袍而損白十二月掃去枯葉枯袍春葉不去枯袍二月三

月出移移之收子者別畱之又法先以子畦種移栽却作

溝壟壟而壅俱成大葱皆高尺許白亦如之宿根在地米

年并得作種移栽之者壟遂渤海勸農口種葱一畦非惟

足供烹飪種多亦可資富梁呂僧珍其先取敗葱為業及

貴兒子棄業求官珍不許曰汝等自有常分不可妄求可

速歸葱肆耳可謂知所本矣按葱之為物中通外直本茂

而葉香雖八珍之奇五味之異非此莫能達其美是犹商

梅之調鼎吳橙之毛鮮也其可以他菜而例視之哉

王氏

農書

蔥有實而秋種者為青蔥無實而分種者為科蔥抽莖高

二尺許岐生作花者為接子蔥

江府志  
接子蔥又名龍爪蔥

蔥有二種胡蔥香蔥也長生蔥七月種八閏

蔥本白而末蔥青、色尤美爾雅曰青謂之蔥古者佩玉  
有蔥珩以玉色如蔥色得名馬之青驪稱駒亦取義于蔥  
而望氣者言鬱、蔥、言條暢也古作膾春用蔥脂亦用  
蔥薤軒辟鷄宛脾皆切蔥薤實諸醢以柔之物之用蔥者  
多故礼為君子擇蔥薤則絕其本末至進食之礼葱涿處

末涿丞蔥也在豆處醢醬之左言末者殊切也而漢世大  
官園種冬生蔥韭菜茹覆以屋廡晝夜爇蘊火待溫氣乃  
生召信臣為少府以為此皆不時之物有傷于人不宜以  
奉供奉奏罷之漢孔奮為姑臧長妻子但食蔥菜而義熙  
中大常謝澹坐遣四人還家種蔥菜免官人之貪廩不同  
如此西域有蔥嶺河源所自出西河舊事其山高大上悉  
生蔥故以名為不雅翼、六韙屬然葷菜也傳曰五葷鍊  
形蔥者其一也齊民要術以為種蔥良地三剪薄地再剪  
八月止不止則蔥無袍而損白孟蔥肉曰白其青謂之袍  
爾雅曰青謂之蔥詩曰有瑿蔥珩蔥竊青也崔寔曰三月

別小葱六月別大葱夏葱曰小冬葱曰大今其袍皆中虛故脉如葱葉謂之浮痺雅

葱于春秋皆可種惟六月俗云是葱本命不可分凡分葱時須大時乃佳又須盡去其鬚及黃葉逐枝排下俟活頻以清糞澆之則盛

名三

葱大者為蘆葱小者為湯葱皆可調羹亦有曰胡葱者蓋野產也

九江府志

水晶菜宋孝宗問周必大吉州所產何物必大對曰金柑王版筭銀杏水晶葱一統志

獨本葱元初馬湖蠻歲以獨本葱來獻即縣疲於適送元

貞初罷之

一統志  
馬湖府

水晶葱龍洲上五十七都出  
劉子高詩芳烈齊山名嘉名  
重水晶生成推土物誇大看  
卿評鳴齒冰丸脆通神雪汁  
清茗甌端有助疎賤愧吾生

秦和縣志

葱實味辛溫無毒主明目補中不足其莖葱白平可作湯  
主傷寒熱出汗中風面目腫傷寒骨肉痛喉痺不通神  
安胎歸目除肝邪氣安中利五藏益目睛殺百藥毒葱根  
主傷寒頭痛葱汁平溫主溺血解藜蘆毒唐本注云葱有  
數有種山葱白蒼葱療病以胡葱主諸惡莖七吏功狐尿  
刺毒山溪中沙蟲射工等毒煮汁浸或搗傳大效六無小

蒜菜更輩不獨用也其人間食葱又有二種有凍葱即經冬不死分莖栽時而無子也又有護葱冬即棄若食用入藥冬葱最善氣味亦佳臣禹錫等謹按蜀本圖經云葱有冬葱漢葱胡葱蒼葱凡四種冬葱夏葱葉冬盛葱葉俱軟美山南江左有之漢葱冬枯其莖實硬而味薄胡葱莖葉麤短根苦金盞龍療腫毒蒼葱生于山谷不入藥用爾雅云蒼山葱釋曰說文云葱生山中者一名蒼細莖大葉者是也

圖經曰葱實本經不載所出州土今處一有之葱有數種入藥用山葱胡葱食品用凍葱漢葱山葱生山中細莖大



葉食之香美于常蔥一名茗古百切蔥爾雅所謂茗山蔥  
是也茗蔥類食蔥而根莖皆細白又云莖葉微短如金燈  
者是也舊別有條云生蜀郡山谷似大蒜而小莖圓皮赤  
稍長而銳蔥凍蔥冬夏常有但分莖莖時而無子氣味最  
佳入藥用一名冬蔥又有一種樓蔥冬蔥類也江南  
人呼龍角蔥言其苗有八角故云爾雅楚間多種之漢蔥  
莖實硬而味薄冬即葉枯凡蔥皆能殺魚肉毒食品所不  
可闕也衍義曰蔥實蔥初生名蔥針至夏則有花于秋月  
種作高溝隴旋壅起以備冬用白蔥其實一也又有龍  
角蔥每莖上出岐如角皮赤者名樓蔥可煎湯塗下部子

皆辛色黑有皺紋作三瓣此物大抵以發散多為功多食  
昏人神

種菰宜鬆土之地鋤成溝用牛馬糞糠粃拌土蓋之上以  
芝麻楷又孟子上勿令生草是月種來年五七月收宜鹽  
淹一時糖醋浸之可食 水雲錄

葱葉溫白與鬚平味辛無毒主明目補中不足其莖白入  
手太陰經足陽明經可作湯主傷寒熱中風而目腫骨  
肉疼喉痺不通安胎婦人除肝邪利五藏益腫精殺百藥  
毒通大小腸療霍亂轉筋奔豚氣脚氣心腹疼痛目眩及心  
迷悶止衄殺一切魚肉毒又治打撲損并刀杖瘡連根用

主傷寒頭崩如破又莖葉用鹽研貼蛇虫傷水治蚯蚓毒  
此凍蔥經冬不凋不結子分莖時種莖葉俱軟氣味香佳  
食用最宜忌与蜜同食有一種接蔥即龍角蔥亦凍類又  
胡葱漢葱荅葱數種不同大抵以發散為功多食昏人神  
只調和食品可也食物本草

仲景金匱要畧云葱与蜜不同食之令人心疼正德間  
嘉興王姓者因遠歸以魚鮓饋送其姻家偶因薦觴食者  
咸死或謂其鮓之有毒故也竊意鮓與蜜安得殺人造酢  
者其中必有葱蓋葱與蜜能殺人耳古人云蜜罐不可盛  
酢食之致死豈欺我哉續醫說

葱郡葱有二種凍葱冬夏長有但分莖莖莖而無子氣味  
最佳可入藥用其葉長大有角而生子者莖莖硬味薄本  
草食療云葱葉溫白平主傷寒壯熱出汗又云葱白及鬚  
平通氣主傷寒頭痛又云切不可与蜜相和食之促人氣  
殺人圖經云治打撲損取葱新折者便入煆灰火煆柔熟  
剥皮擘開其間有涕便將署切於感損處仍多煆取續、易  
熱者痛立止又云凡葱皆能殺魚肉毒食品所不可闕也  
郡志

蕭葉如葱但根圓大過之

建昌府志

葱薺屬傳曰五葷鍊形葱其一也齊民要術種葱良地三

剪薄地再剪八月止不止則葱無袍而損白種自太湖至者多白曰湖葱松江府志

茗古麥切

葱有數種山葱蒼葱赤皮名樓葱即冬葉枯名漢葱葉上生根名龍爪葱似大蒜而小形圓皮赤稍長而銳名胡葱經冬不死分莖栽蒔而無子名凍葱入藥胡葱凍葱最佳和五味大抵發散收功葱薤有冷熱白冷青熱傷寒中用不得有青也味辛溫無毒多食昏人神發疽疾動氣上衝開腠卽出汗冬月不宜多食虛人不可同菰菜及蜜食服常山藥人忌食主傷寒、熱天行時氣頭痛出汗中風面

目浮腫骨肉疼痛喉痺不通安胎益氣除邪利五藏通大  
小腸藿亂轉筋責脉氣脚氣心腹痛益精明目並連根用  
殺一切魚肉百藥毒

日用本草

爾雅疏云葱訛云萊名生山中者名荅細莖大葉者是也

胡葱

胡葱味辛溫中消穀下氣殺蟲久食傷神損性令人多忘  
損目明尤發痼疾患胡臭人不可食今轉甚其狀似大蒜  
而小形圓皮赤稍長而銳土屬郡山谷五月六月採  
胡葱味辛溫平消穀下氣殺蟲久食傷神損性令人多忘  
損目明尤發痼疾患胡臭人不可食人轉甚食物本草

荅格

荅山葱釋者引說文云葱山中者名荅細莖大葉者似也  
葱有冬葱漢葱胡葱荅葱凡四種各葱夏菴冬盛莖葉俱  
軟美山南江左有之漢葱冬枯莖實硬而味薄胡葱莖  
葉粗短根若金蔞能已腫荅葱生于山谷不入藥用管子  
云齊威公五年北征山戎出冬葱与戎取布之天下也戎  
菽胡豆也与冬葱皆得之山戎古者此等通名葷菜西方  
則以大蒜小蒜興渠葱荅葱列為五葷以為熟之則發  
姪生嗽增患皆有損于性情故絕而不食今北虜好生食  
葷菜雖其天性獷戾亦食性所染致然今道家以有五葷



乃謂非祿云臺胡荈薤也無荅葱等此自隨中國所多者  
為說故不同焉爾雅異

蒜

種蒜說文曰蒜葷菜也廣志曰蒜有胡蒜小蒜黃蒜長苗  
無科出哀牢王逸曰張騫周流絕域始得大蒜葡萄苴宿  
博物志曰張騫使西域得大蒜胡荽延篤曰張騫大宛之  
蒜潘尼曰西域之蒜朝歌大蒜甚辛一名葫南人尚有齊  
葫之言又有胡蒜澤蒜也蒜宜良軟地白軟地蒜甜美而  
科大黑軟次之剛強之地辛辣而瘦小也三偏熟耕九月  
初種、法黃場時以耨耩逐壟手下之五寸一抔諺曰左  
右通鋤一畝餘株空芟勞二月半鋤之令滿三遍勿以無  
草則不鋤不鋤則可小條拳而軋之不軋則獨科葉黃鋒

出則辦于屋下風涼之處附之早出者皮赤可堅可以遠  
行晚則皮皺而喜碎冬寒取穀耨反布地一行蒜一行  
耨不爾則凍死收條中子種者一年為獨辦種二年者則  
成大蒜科皆如拳又逾于凡蒜矣瓦子壠底置獨辦蒜于  
瓦上以土覆之蒜科廣闊而大形容殊別亦足矣異今并  
州無大蒜朝歌取種一歲之後還成百子蒜矣其辦盆細  
正與條中子同蕪菁根其大如梳口雖種他州子一年亦  
成大蒜辦爰小蕪菁根爰大二事相反其理難推又八月  
中方得熟九月中茹則得花子至于五穀蔬果與餘州早  
晚不殊亦一異也并州踔頸度井陘已東山穀子入黨閏

上黨苗而無實皆余目所親見非信傳疑蓋土地之異者也種澤蒜法預耕地熟時採取之漫散芻之澤蒜可以香食吳人調鼎率多用此根葉鮮蒞更勝葱韭此物繁息一種永生蔓延滋漫年、稍廣間區斷取随手还合但種數畝用之無窮種者地熟美於野生崔寔田布穀鳴收小蒜六月七月可種小蒜八月可種大蒜齊民要術

葫大蒜也蒜小蒜也小蒜一名亂子

草木畧

爾雅疏曰蒜說文云葷菜也一云菜之美者雲夢之葷菜生山中者名蒿

大蒜又名葫

胡味辛溫有毒主散癰腫墨瘡除風邪殺氣毒獨子者六  
佳歸五藏久食傷人損目明五月五日採陶隱居云今人  
謂葫為大蒜謂蒜為小蒜以其氣類相似也性最熏臭不  
食俗人作齋以噉鱸肉損性伐命莫此之盛此物惟生食  
不中煮以合青魚作食令人發黃取其條上子初種之成  
獨子葫明年則復其本也唐本注云此物煮為羹臙極俊  
美熏氣六微下氣消穀除風破冷是為膜中之俊而注云  
不中煮自當是未經式爾今按陳藏器本草云大蒜去水  
惡瘴氣除風濕破冷氣爛疔瘰癧伏邪惡宣通溫補無以加  
之初食不利日多食却明久食令人血清使毛髮白療瘡

鮮生食去蛇虫溪蠱等毒患瘡癖者嘗夢人教每日食  
三顆大蒜初時依夢遂至瞑眩中口吐逆下部如火後有  
人教令取數片合皮截却兩頭吞之為名內久依此大效  
又魚骨硬不出以蒜內鼻中即出獨顆者殺鬼去痛入用  
最良臣禹錫等謹按蜀本圖經云大蒜今出梁州者最美  
而少辛者大徑二寸注陽者皮赤甚辣其餘並相似也孟  
詵云蒜久服損眼傷肝治蛇咬瘡取蒜去皮一升搗以小  
便一升煮三四沸通人即入清損處從多至梟初被咬末  
腫速嚼蒜封六七易又蒜一升去皮以乳二升煮使用空  
腹一頓服之隨後飯壓之明日依前進服下一切冷毒風

氣又獨頭者一枚和雄黃杏仁研為丸空腹飲下三丸靜坐少時患鬼氣者當毛出即差

圖經曰胡大蒜也舊不著所出州土今處、有之人家園圃所蒔也每頭六七瓣初種一瓣當年便成獨子蒔至明年則復其本矣然其花中有實六瓣狀而極小亦可種之五月五日採

葫大蒜也今人家園圃中所蒔者是有重臺者有獨子者宋江寧府紫極宮有石刻云但是發背及癰疽惡瘡腫核等初覺肉間有異即切大蒜如銅錢厚安腫處用艾炙之不計壯數初覺痛者以痛定為準不覺痛者灸至極痛而

止無不愈者若是贅疣之類灸之亦自落痂其效如神

府志

蒜於肥地鋤耒溝隴隔二寸栽一料糞水澆之八月初可種便民圖纂

蒜處所有之出崇明者為佳姑蘇志

三月鉏蒜一候苗高尺餘頻鋤澆灌拔去莖則結實肥大農桑撮要

八月種蒜宜熟地耕三次以耨成溝二寸一窠種之候苗出時鉏不厭頻常令根旁潔靜須要鋤地令虛以糞水澆灌莖出拔去則辦肥大不然則瘦小同上



蒜說文云葷菜也又曰菜之美者張騫使西域得大蒜種之今京口有蒜山多出蒜、有大小之異大者曰葫即今大蒜每頭六七瓣收條中子種者一手為獨蒜再種之則皆六七瓣矣小曰蒜葉似細葱而澁頭小如薺即今山蒜爾雅曰蒿山蒜也二物氣味相似能興陽伐性故道家者流多忌食之性熱而有小毒性極葷然以入臭肉掩臭氣夏月食之解暑辟瘴氣北方食餅肉不可無此家有其種多者收一二頃以供歲計今在種之齊民要術云宜熟軟地耕三遍八月種至來年四五月收凡種每半尺地一根鋤治令淨時加糞壅菜上一尺許漸、撥開土要見白則

本大不爾止益草耳或結柔亦佳嫩臺亦可為蔬又一種  
澤蒜可以香食吳人調鼎率多用此根解蘆更勝蔥韭此  
物易滋蔓隨斫隨合熟時揉子漫散種之按諸菜之輩者  
惟宜採鮮食之經日則不美惟蒜雖久而味不變可以資  
生可以致遠施之臭腐則化為神奇用之鼎俎則可代醢  
醬旅途尤為有功炎風瘴雨之所不能加食嚼腊毒之所  
不能害此亦食經之上品日用之多助者也其可不廣種  
之哉 王氏農書

蒜卯蒜也俗人謂之小蒜胡國有蒜十許子共為一株釋  
幕裹之為名胡蒜尤幸于小蒜俗人亦呼之為大蒜

古今注

種蒜法九月初于菜畦內稠栽蒜瓣候來年春二月間先將地熟犁數次每畝上糞土數十擔再用犁翻過耙勻手持木板二寸許揮一畝栽蒜秧一株如此栽遍如旱時常以水澆至五月間起每窠如拳許大極妙居家必用

蒜大者曰葫無瓣者俗呼獨腳蒜八閩通志

蒜有大大蒜為葫小蒜為蒜本草所別葫又稱胡蒜陸法言切韻曰張騫使西域得大蒜胡荽則此物漢始有之以自胡中來故名胡蒜耳種宜良輦地三遍熟耕之五寸一株諺曰左右通鋤一萬餘株收條中種者一年為獨辦種二年者則成大蒜科皆如拳又逾于蒜矣今并州無大

蒜朝歌取種一歲之後還成百子蒜其辦麤細正与條中  
子同其蔓菁根大如椀口雖種他州子一年亦變然大蒜  
辦爰小蔓菁根爰大二事相反其理難推又八月中方得  
熟九月子始刈得花子至于五穀蔬果与餘州早晚不殊  
六一異也又并州豌豆度并陞以東山東穀子入壺關上  
黨苗而无實信土地之異也葫性最葷不可食俗人作葷  
以膾魚肉以食傷人損目明養生論曰葷辛害目謂之葷  
菜也此為甚耳說者乃文曰此物煮為羹膾極美葷氣亦  
微又云初食不利目多食却明以食令人血清似皆好食  
者之辭今朝胡人以大蒜等塗体愛其芳氣又以獲寒且

生噉之南人所不習效之者無不目腫

爾雅

蒜有分瓣有獨頭者重陽種次年端午先收

九江府志

蒜味辛溫有小毒歸皮腎主霍亂腹中不安消穀理胃溫

中除邪痺毒五月五日採之陶隱居云小蒜生葉時可煮

和食至五月葉枯取根名薺音亂子正爾噉之亦甚熏臭

味辛性熱主中冷霍亂煮飲之亦主溪毒食之損人不可

長食唐本注云此蒜与葱苗相得主惡載毒山溪中沙蟲

水毒大效山人俚條時用之也臣禹錫等謹按蜀本圖經

云小蒜野生小者一名薺一名蒿苗葉根子似葫而細數

倍也爾雅云蒿山蒜釋曰說文又云葷菜也一云菜之美

者雲夢之葷菜生山中者名蒿孟詵云小蒜亦主諸虫毒  
丁腫甚良不可常食圖經曰蒜小蒜也舊不着所出州土  
今處、有之生田野中根苗皆如葫而極細小者是也五  
月五日採謹按爾雅蒿力的切山蒜釋曰詵文云蒜葷菜  
也一云菜之美者雲夢中葷生山中者名蒿今本經謂大  
蒜為葫小蔥為蒜而爾雅詵文所謂蒜葷菜者乃今大蒜  
也蒿乃今小蒜也書傳載物之別名不同如此用藥不可  
不審也古方多用小蒜治霍亂者汁飲之南齊褚澄用蒜  
治李道念鷄瘕便差江南又有一種山蒜似大蒜臭山人  
治積塊及婦人血瘕以苦醋摩服多效又有一種似大蒜

而多辦有葷氣彼人謂之葢子生脚氣宜煮與婦飲之  
易產江比則無

衍義曰蒜小蒜也又謂之蘭苗如葱根針白大者如烏芋  
子蕪根煮食之又謂之宅蒜華佗用蒜蘘是此物

小蒜味辛溫有小毒煇脾胃主霍亂腹中不安消穀埋胃  
溫中除邪痺毒氣丁瘡等毒華佗用蒜蘘吐人惡物云是  
此又云大蒜少食損人目傷肝不可與魚膾同食食物本草

大蒜味辛氣溫有毒屬火主散癰腫蚤瘡除風邪殺毒氣  
消食下氣健胃善化虫行濕破冷氣爛疔癖辟溫疫氣瘧  
氣伏邪惡虫毒蛇虫溪毒治中暑毒霍亂轉筋腹痛爛嚼

溫水送之又鼻衄不止搗碎塗腳心止即拂去醋浸經年  
者良此物性熟氣極葷煮為羹臃極俊炙熏氣亦微下氣  
溫中消穀雖曰人喜食多于暑月但生食久食傷肝氣損  
目明面無顏色又傷肺脾引痰宜戒之菜亦可食独子者  
攻毒如癰疽發背惡瘡腫核初發取紫皮獨頭者切片貼  
腫心炷艾炙其上覺痛即起焦者用新者再炙瘡初痛者  
灸不痛不痛者灸痛痒者亦如之以多灸為良無不效  
者疣贅之類亦依此灸之同上

葫大蒜也園中以蒜種時成辦蒜子種名獨蒜五月五日  
收之味辛溫有小毒其氣性薰臭和臭肉中食掩臭氣不



可火食損目明主散癰腫蠱瘡健脾胃消穀食止霍亂吐瀉腹痛除勞瘡疾癖中暑毒人爛嚙三兩瓣以溫水送下癰疽並用獨蒜切片灸之三炷一換初灸痛灸至不痛灸至痛住鼻衄不止左鼻出用蒜研塗左足心右鼻出塗右足心兩足心日用本草

蒜即小蒜生田野中根苗皆如葫而極細小者是也味辛溫有小毒三月忌食不可常食損人腳氣風病人忌食魚蒜薤等主歸脾腎霍亂腹中不安消穀理胃溫中除邪痺氣日用本草

蒜有分瓣者有獨瓣者重陽先種次年端午先收建昌府志

蒜人家畦種不多其市販皆自崇明至松江府志

# 蒿

釋草蒿山蒜釋曰說文云葦菜也一云菜之美者雲夢之  
葦菜也生山中者名蒿不注其狀今蒜有大蒜小蒜本  
草蜀本圖經云小蒜野生小者一名蒿苗葉根子似葫而  
細數倍然則小蒜即蒿耳小蒜生葉時可煮和食至五月  
葉枯取根名薤子正爾噉之亦甚薰臭食之損人不可長

服崔寔曰布穀鳴收小蒜六月七月可種小蒜八月可種  
大蒜蓋皆謂此爾雅則以小蒜為蒜大蒜為葫永俗稱耳  
孫炎乃云帝登嵩山遭猶羊草毒將死得蒜乃噉之解毒  
乃收植之能殺虫魚之毒攝諸腥膻則是蒿是山名其上  
出蒜耳与郭說異也

尔雅異

按本草蒜小蒜也爾雅所謂蒿山蒜也是苗如葱針頭似  
葫而小今下里人麥園中多有之下里人亦呼蒜但俗音  
別耳

吳化府志

胡荽

種胡荽宜黑輓青沙良地三遍熟耕樹陰下得未豆處  
得春種者用秋耕地開春凍角地起有潤澤時急接澤種  
之種法近市負郭田一畝用子二升故概種漸鋤取賣供  
生菜也外舍無市之處一畝用子一升疎密正好六七月  
種一畝用子一升先燥晒欲種時布子于堅地一升子與  
一掬濕土和之以脚蹉令破作兩段多種者以靴蹉之亦  
得以木礮之亦得子有兩人各着故不破兩段則疎  
密水裏而不生着土者令土入殼中則生疾而長速種時  
欲燥此菜非雨不生所以不求濕下也於旦暮潤時以耜

耨作壘以手撒子即勞令平春雨難期必須藉澤蹉跎失  
机則不得矣地正月中凍解者時即既早晚雖浸芽不生  
但燥種之不須浸子地若二月始解者歲月稍晚恐澤少  
不時生失歲計矣便于煖處籠盛胡婁子一日三度以水  
浸之二三日則芽生于旦暮時接潤漫擲之數日悉矣大  
体與種麻法相似假令十日二十日未出者亦勿怪之尋  
自當出有草乃令拔之柔生三二寸鋤去穢者供食及賣  
十月是霜乃收之取子者仍畱根間古覓及拔令稀穢即  
不生以草覆上覆者得供生食又不凍死五月子熟拔取  
晒乾勿使令濕則裹麝格柯打出作蒿蒿盛之冬日亦

得入窖夏還出之但不濕亦得五六年停一畝收十石都  
邑難賣石堪一疋絹若地柔良不須重加耕鑿者于子熟  
時好子稍有令落者然後拔取直深細鋤地一徧令平六  
月連雨時槽生者亦尋滴地省借種之勞秋種者五月子  
熟拔去急耕十餘日又一轉入六月又一轉令好調熟調  
如麻地即于六月中旱時耨耩作礮蹠子令破手散還勞  
令平一同春法但既是早種不須耨潤此菜早種非連雨  
不生所以不同春月要求濕下種後未遇連雨雖一月不  
生亦勿怪麥底地亦得種止須急耕調熟雖名秋種會在  
六月中無不霖望連雨生則根彊可大七月種者雨多亦

得雨少則生不尽但根細科小不同六月種者便十倍矣  
矣大都不用觸地濕入中生高數寸鋤去概者供食及賣  
作菹者十月足霜乃收之一畝兩載、直絹三尺若番冬  
中食者以草覆之尚得竟冬中食其春種小小供食者自  
可畦種畦種者一如葵法若種者接生子令中破籠盛一  
日再度以水沃之令生芽然後種之再宿即生矣晝用絹  
蓋夜則去之晝不蓋熟不生夜不去虫棲之凡種菜之難  
生者皆水沃令芽生無不即生矣作胡荽菹法湯中漂出  
之著大瓮中以暖鹽水經宿浸之明日汲水淨洗出別留  
中以鹽酢浸之香美不苦亦可洗訖作粥津麥粳味如蘆

芥菹法亦有一種味作棗道者亦須漂去苦汁然後乃用之矣齊民要術

胡荽曰胡荽并州人呼為香荽亦為石勒諱也草木畧

胡荽先將子拌開四月五月七月晦日晚宜種、宜濕地以灰覆之水澆則易長便民

葫荽漢張騫自西域得其種莖葉皆細可同邪蒿食及作羹良并人呼為香荽此也本草云味辛溫殺虫去毒事類全書云葫荽必用月晦日晚下種齊民要術云葫荽宜黑軟青紗良地三遍熟耕春種者用秋耕地開春凍解地起有潤澤時急接澤種之疎密正好六七月種先曬燥欲種



時布子于堅地一升子与一掬湿土和之以脚搓子破作

兩段以木槌之得於旦暮盛時以耒耨作壟以手撒

子即勞令平萊生二三寸鋤去耨者供食十月足霜乃收

之取子者仍番根間拔令稀稀即不生以草覆上覆者得供生食又不凍

此萊早種非連雨不生所以不同春月要求湿麥底地亦

得種止須急耕調熟雖名秋種會在六月連雨生則根彊

科大七月種者雨多亦得雨少則生不尽但根細科小不

同耳六月種者若番冬食則以草覆之得竟冬食其春種

小小供食者自可畦種一法葵法按子沃水生芽種之用

箔蓋夜則去之昼不蓋則不生夜不去虫棲之凡種萊子难生者皆水沃令芽

生無不即生矣又一種名石胡荽一名鵝不食草載在本  
草止堪入藥却非此種胡荽其子搗細香而微辛食饌中  
多作香料以助其味于蔬菜子葉皆可用生熟皆可食甚  
有益于世也 王氏農書

胡荽俗呼芫荽 鎮江府志

胡荽湘山集云即園荽也或謂之香荽幼々新書云鵝不  
食草八閩通志

芫荽一名胡荽味香可食博物志云張騫使西域得胡荽  
即此 九江府志

胡荽味辛溫

微寒云

微毒消穀治五藏補不足利大小腹通

小腸氣拔四肢熱止頭痛療沙癬跖豆瘡不出作酒飲之  
立出通心竅久食令人多忘發腋臭脚氣根發痼疾子主  
小兒禿瘡油煎傳之六主蠱五痔及食肉中毒下血煮冷  
取汁服并州人呼為香葵入藥炒用

胡荽味辛氣溫微毒主消穀治五臟補不足利大小腸通  
小腹氣通心竅拔四肢熱止頭痛久食損人精神令人多  
忘發腋臭口臭脚氣金瘡久病人食之脚弱根發痼疾子  
主小兒禿瘡油煎傳之亦主蠱五痔及食肉中毒吐下血  
不止煮冷取汁服又治小兒痘疹不出歆令速出用酒煎  
沸勿令洩氣候冷去滓微噴以下噴身令遍除面不噴

包暖即出 食物本草

胡荽一名薰草性頗薰烈損人神俗呼為蒿子苗如小蒜根有小提子味亦如蒜一名香荽味辛溫微寒微毒久食令人多忘發氣腋臭蠱齒口氣臭金瘡及發痼疾久食令人脚弱主消穀治五藏補不足利大小腸氣拔四肢熱止頭痛療沙疹疣豆瘡不出作酒飲之立出

日用本草

李退夫為事矯怪居京師北郊一日種胡荽俗傳須主人口誦穠語則茂退夫撒種密誦曰夫婦之道人倫之性云云不絕于口忽有客至命其子畢之子執餘種曰大人已曾

上聞 湘山野錄

園荑本草所謂胡荑也味辛溫或云微寒稍有毒開白花結子微黃色俗往往用以點茶吳化府志

胡荑一名園荑又一種為竹園荑幼、新書云鶯不食草毘陵志

芡荑一名胡荑香菜也葉如碧云而香宜芡亦宜點茶松江府志